



REPUBLIKA E SHQIPËRISË  
MINISTRIA E FINANCEVE DHE EKONOMISË  
AGJENCIA SHQIPTARE E ZHVILLIMIT TË INVESTIMEVE



**PAKETA FINANCIARE NR. 1**

Me synim përballimin e pasojave financiare të shkaktuara nga COVID – 19, Këshilli i Ministrave ka miratuar aktet ligjore të mëposhtme në mbështetje të bizneseve me të ardhura vjetore deri në 14 milionë lekë, për shkak të situatës së krijuar nga COVID-19.

**1. SHTYRJA E AFATIT TË DEKLARIMIT TË BILANCIT KONTABËL, PARAPAGIMI I KËSTEVE TË TATIM - FITIMIT DHE DORËZIMI I DEKLARATËS VJETORE PERSONALE TË TË ARDHURAVE**

Këshilli i Ministrave ka miratuar aktin normativ nr. 10, datë 26.03.2020, i cili parashikon zgjatje të afatit për dorëzimin e pasqyrave financiare, si dhe deklarimin dhe pagesën e tatim fitimit për vitin 2019. Këto afate janë të zbatueshme vetëm për ata tatimpagues të cilët janë subjekt të Ligjit nr. 8438 “Për tatimin mbi të ardhurat”.

DETYRIMI LIGJOR	TATIMPAGUESI	AFATI LIGJOR PËRJASHTIMOR
Dorëzimi i bilanci kontabël, së bashku me anekset e tij, si dhe çdo e dhënë tjetër.	Të gjithë tatimpaguesit subjekt të tatimit mbi fitimin.	31 korrik 2020
Pagesa e tatim fitimit i llogaritur në bazë të deklaratës vjetore të të ardhurave të tatueshme, pakësuar me shumat e përcaktuara sipas nenit 37 dhe me parapagimet e bëra gjatë periudhës tatimore.	Tatimpaguesit subjekt të tatimit mbi fitimin me qarkullim deri në 14.000 000 lekë.	1 korrik – 31 dhjetor 2020
Parapagimi i kësteve tremujore të tatimit mbi fitimin për vitin 2020.	Tatimpaguesit subjekt të tatimit mbi fitimin me qarkullim deri në 14.000.000 lekë.	Brenda datës 31 dhjetor 2020

Këshilli i Ministrave ka miratuar aktin normativ nr. 11, datë 27.03.2020, botuar në Fletoren Zyrtare nr. 53 i cili parashikon zgjatje të afatit të pagesës së tatimit të thjeshtuar mbi fitimin për vitin 2019. Ky afat është i zbatueshëm për tatimpaguesit të cilët janë subjekt të Ligjit nr.9632, datë 30.10.2006 "Për sistemin e taksave vendore", **pra për tatimpaguesit me përgjegjesinë tatimore Tatim i Thjeshtuar mbi Fitimin me qarkullim vjetor nga 5 (pesë) deri në 8 (tetë) milionë lekë**. Pagesat e kësteve të parapagimit të tatimit të thjeshtuar mbi fitimin kryhen pranë bankave të nivelit të dytë dhe Postës Shqiptare, sh.a., për llogari të administratës tatimore, përkatësisht:

DETYRIMI LIGJOR	TATIMPAGUESI	AFATI LIGJOR PËRJASHTIMOR
Parapagimi i kësteve tremujore të tatimit të thjeshtuar mbi fitimin për vitin 2020	Të gjithë tatimpaguesit subjekt të tatimit të thjeshtuar mbi fitimin	Për T1 + T2 – Brenda datës 20 Tetor Për T3+ T4 – Brenda datës 20 Dhjetor

\*T1 -Tremujori parë; T2-Tremujori dytë; T3-Tremujori tretë ;T4 -Tremujori katërt

Referenca:

Akt Normativ Nr. 18, datë 23.4.2020 "Për disa ndryshime dhe shtesa në ligjin nr.8438, datë 28.12.1998, "Për tatimin mbi të ardhurat", të ndryshuar <https://qbz.gov.al/eli/akt-normativ/2020/04/23/18/8e858e79-30b1-446c-a76d-86962e6cc7fd>

Akt Normativ Nr.19, datë 23.04.2020 "Për disa shtesa dhe ndryshime në ligjin nr.9632, datë 30.10.2006, "Për sistemin e taksave vendore", të ndryshuar <https://qbz.gov.al/eli/akt-normativ/2020/04/23/19/f1af81be-9322-46fd-9c74-d0ba88cdd8f5>

## 2. NDIHMA FINANCIARE PËR KATEGORI TË VEÇANTA

- Për të punësuarit në subjektet **me të ardhura vjetore deri në 14 milionë lekë, të cilët e kanë ndërprerë aktivitetin** gjatë periudhës së Covid-19.

### **Përfitues të ndihmës financiare janë:**

1. personat fizikë të vetëpunësuar;
2. punonjësit e papaguar të familjes të personit fizik tregtar;
3. të punësuarit në personat fizikë tregtarë;
4. të punësuarit në personat juridikë.



REPUBLIKA E SHQIPËRISË  
**MINISTRIA E FINANCAVE DHE EKONOMISË**  
**AGJENCIA SHQIPTARE E ZHVILLIMIT TË INVESTIMEVE**

- Ndhima financiare, që përfitojnë kategoritë e mësipërme është e barabartë me pagën minimale në fuqi, 26.000 (njëzet e gjashtë mijë) lekë.
- Subjektet përfituese duhet të plotësojnë një formular duke filluar nga data 1 PRILL.
- **Për të papunët dhe përfituesit e ndihmës ekonomike**  
Përfituesit e pagesës nga papunësia dhe të ndihmës ekonomike përfitojnë dyfishin e pagesës mujore respektive të përcaktuar përkatësisht me VKM Nr. 597 datë 04.09.2019 dhe VKM Nr.161 datë 21.03.2018.

Referenca:

- VKM Nr. 254, datë 27.3.2020 *“Për përcaktimin e procedurave, të dokumentacionit dhe të masës së përfitimit të ndihmës financiare për të punësuarit në subjektet e biznesit me të ardhura vjetore deri 14 milionë lekë, ndihmës ekonomike e të pagesës të së ardhurës nga papunësia gjatë periudhës së fatkeqësisë natyrore, të shpallur si pasojë e COVID-19”-*  
<https://qbz.gov.al/eli/vendim/2020/03/27/254/c7645a7c-6306-4df5-9801-fe3ca1cac00e>

**3. SHTYRJA E PAGESËS SË QIRAVE PËR DISA KATEGORI TË VEÇANTA**

- Të gjithë qiramarrësit persona fizikë/juridikë me të ardhura deri në 14 milionë lekë në vit, të cilët kanë kontratë noteriale qiraje për zhvillimin e aktivitetit të tyre ekonomik, të nënshkruar përpara shpalljes së gjendjes së epidemisë, dhe e kanë ndaluar aktivitetin si pasojë e gjendjes së shkaktuar nga COVID– 19, nuk do ta paguajnë detyrimin e qirasë për dy muaj, prill dhe maj 2020;
- Detyrimi i prapambetur i këtyre dy muajve do të paguhet nga qiramarrësi, në mënyrë proporcionale dhe të dakordësuar me qiradhënësin, pas muajit maj 2020. Për ato kontrata që përfundojnë përpara afatit 31 maj 2020, detyrimi i prapambetur do të paguhet nga qiramarrësi brenda tre muajve pas datës 31 maj 2020;
- Të gjithë qiramarrësit e përcaktuar në këtë pikë, të cilët kanë ankesë për qiradhënësin si pasojë e moszbatimit të detyrimeve të mësipërme, do t'i drejtohen Drejtorisë së Përgjithshme të Tatimeve nëpërmjet komunikimit elektronik;

- Qiradhënësit, të cilët nuk e zbatojnë këtë pikë, dënohen me gjobë në masën e pesëfishit të qirasë mujore përkatëse.

Referenca:

- AKT NORMATIV Nr. 12, datë 2.4.2020 “Për një shtesë në aktin normativ nr.3, datë 15.3.2020, të Këshillit të Ministrave, “Për Marrjen E Masave Të Veçanta Administrative Gjatë Kohëzgjatjes Së Periudhës Së Infeksionit Të Shkaktuar Nga Covid-19”, të ndryshuar. <https://qbz.gov.al/eli/akt-normativ/2020/04/02/12/de78e0e4-cb68-48f3-a03e-b6ddf7413d45>
  - AKTI NORMATIV NR.14, DATË 11.4.2020 “Për disa ndryshime dhe shtesa në aktin normativ nr.3, datë 15.3.2020, të Këshillit të Ministrave, “Për marrjen e masave të veçanta administrative gjatë kohëzgjatjes së periudhës së infeksionit të shkaktuar nga covid-19”, të ndryshuar”- <https://qbz.gov.al/eli/akt-normativ/2020/04/11/14/1915eedd-d42c-4fbb-8c10-b194b7c479ce>
4. **URDHËR I PËRBASHKËT I KRYEMINISTRIT DHE GUVERNATORIT TË BANKËS SË SHQIPËRISË** “Për shtyrjen e afatit të pagimit të kësteve të kredisë për biznese dhe individë, të cilët do të hasin vështirësi në këtë periudhë si pasojë e COVID-19”, datë 17.03.2020

Për tu ardhur në ndihmë të gjithë biznesve dhe individëve, të cilët për shkak të situatës së krijuar nga COVID-19 hasen me vështirësi në **shlyerjen e kësteve të kredisë**, është përcaktuar se:

1. Shtyhet afati i pagimit të kësteve të kredive për biznese dhe individë deri në datën 31.05.2020, për të gjithë ata kredimarrës, të cilët janë përballur më vështirësi në këtë periudhë si pasojë e COVID-19;
2. Kredimarrësit duhet të komunikojnë me kredidhënësit (banka, institucione financiare jobanka apo me shoqëritë e kursim-kredive) duke u argumentuar këtyre të fundit arsyet mbi nevojat e tyre për shtyrje të pagimit të kësteve.
3. Institucionet e kreditimit do të bëjnë procesimin e çdo kërkesë të paraqitur pranë tyre brenda 3 ditëve nga data e marrjes së kërkesës.

Referenca:

- [https://www.bankofalbania.org/Shtypi/Njoftimet\\_per\\_shtyp/Mbi\\_urdhrin\\_e\\_Bankes\\_se\\_Shqiperise\\_dhe\\_Kryeministrise\\_per\\_shtyrjen\\_e\\_afatit\\_te\\_pagimit\\_te\\_kesteve\\_te\\_kredise\\_per\\_biznes\\_e\\_dhe\\_individe.html](https://www.bankofalbania.org/Shtypi/Njoftimet_per_shtyp/Mbi_urdhrin_e_Bankes_se_Shqiperise_dhe_Kryeministrise_per_shtyrjen_e_afatit_te_pagimit_te_kesteve_te_kredise_per_biznes_e_dhe_individe.html).
- [https://www.bankofalbania.org/Shtypi/Njoftime\\_te\\_mbledhjeve\\_te\\_Keshillit\\_Mbikryes/Njoftime\\_te\\_tjera\\_te\\_KM/Njoftim\\_per\\_shtyp\\_Vendimarrja\\_e\\_Keshillit\\_Mbikryes\\_date\\_12\\_mars\\_2020.html](https://www.bankofalbania.org/Shtypi/Njoftime_te_mbledhjeve_te_Keshillit_Mbikryes/Njoftime_te_tjera_te_KM/Njoftim_per_shtyp_Vendimarrja_e_Keshillit_Mbikryes_date_12_mars_2020.html)



REPUBLIKA E SHQIPËRISË  
MINISTRIA E FINANCAVE DHE EKONOMISË  
AGJENCIA SHQIPTARE E ZHVILLIMIT TË INVESTIMEVE

5. Miratimi i garancisë shtetërore të huasë me bankat e nivelit të dytë për pagat e tregtarëve ose shoqërive tregtare, aktiviteti i të cilave është prekur COVID-19

- Në vijim të zbatimit të planit financiar për rimëkëmbjen nga Covid-19 u miratua VKM Nr. 277 datë 06.04.2020 e cila parashikon:

1. Linjën e garancisë shtetërore, në vlerën 11.000.000.000 (njëmbëdhjetë miliardë) lekë, në favor të 12 bankave të nivelit të dytë, pjesë e skemës së garancisë që do të mundësojë huadhënien për të përballuar pagat e tregtarëve ose të shoqërive tregtare, aktiviteti i të cilave është mbyllur ose është ndikuar me ulje të xhiros, si pasojë e vendimeve të Këshillit të Ministrave dhe urdhrave të nxjerra nga Ministria e Shëndetësisë dhe Mbrojtjes Sociale, në kuadër të menaxhimit të situatës së krijuar nga COVID-19.
2. Ministri i Financave dhe Ekonomisë ka të drejtë që, pas 60 (gjashtëdhjetë) ditëve nga data e nënshkrimit të marrëveshjeve përkatëse të garancisë, t'i propozojë Këshillit të Ministrave nëse është e nevojshme, rialokimin e shumës së garancisë, nga huadhënësi që nuk e ka ezauruar shumën e garancisë në favor të tij të huadhënësi që e ka ezauruar atë plotësisht.
3. Në skemën e garancisë shtetërore si më lartë nuk përfshihen tregtarët ose shoqëritë tregtare, të cilët janë subjekt i përfitimit nga skema e subvencionimit të pagës.
4. Autorizohet ministri i Financave dhe Ekonomisë për nënshkrimin e marrëveshjeve të garancisë me secilën nga bankat e nivelit të dytë.

**Këshilli i Ministrave me anë të VKM nr.370, datë 06.05.2020, bëri disa ndryshime në VKM nr.277, datë 06.04.2020.**

**Ndryshimet dhe shtesat kryesore në Marrëveshjen e Garancisë konsistojnë në sa vijon:**

1. Ministria e Financave dhe Ekonomisë (MFE) krahas garantimit të principalit, merr përsipër të rimbursojë interesat e Huave që do të trajtohen nën këtë Marrëveshje Garancie.
2. MFE do t'i rimbursojë Huadhënësit interesat që burojnë nga Huatë e garantuara nga kjo Marrëveshje Garancie një herë në tre muaj, ku tremujori i parë do të fillojë të përllogaritet nga data e bërjes efektive të kësaj Marrëveshjeje.
3. Huamarrësi nuk duhet të këtë kredi me probleme në muajin shkurt 2020.
4. Huadhënësi do të ofrojë Huanë me një normë interesi preferenciale, të barabartë me normën mesatare të interesit të tre ankandëve të fundit të bonove të thesarit 12 mujore plus një marzh prej 0.5%, por në asnjë rast norma e interesit nuk do të jetë më e lartë se 2.85%.

Referenca:

- VKM Nr. 277, datë 06.4.2020 *“Për miratimin e garancisë shtetërore të huas me bankat e nivelit të dytë për pagat e tregtarëve ose shoqërive tregtare, aktiviteti i të cilave është prekur nga vendimet e Këshillit të Ministrave, në kuadër të menaxhimit të situatës së krijuar nga Covid19, si edhe për përcaktimin e kushteve e të kriterëve të marrëveshjes së garancisë dhe marrëveshjes së mirëkuptimit”*. <https://qbz.gov.al/eli/vendim/2020/04/06/277/0607607a-f712-4e36-95d6-361eaa47f4d8>
- VKM Nr. 370, date 06.05.2020 Për disa shtesa dhe ndryshime në vendimin nr.277, datë 6.4.2020 të Këshillit të Ministrave, *“Për miratimin e garancisë shtetërore të huas me bankat e nivelit të dytë për pagat e tregtarëve ose shoqërive tregtare, aktiviteti i të cilave është prekur nga vendimet e Këshillit të Ministrave, në kuadër të menaxhimit të situatës së krijuar nga Covid19, si edhe për përcaktimin e kushteve e të kriterëve të marrëveshjes së garancisë dhe marrëveshjes së mirëkuptimit”*- <https://qbz.gov.al/eli/fz/2020/84/47de6304-1db6-4a2a-b89b-87b05569a06b>